

AVGVSTINI  
BARBOSÆ,  
V. I. D. LVSITANI,  
PROTONOTARII APOSTOLICI  
& sacre Congregationis Indicis Consultoris,  
NUNC ELECTI EPISCOPI VVENTINI,  
TRACTATVS  
DE CANONICIS,  
ET DIGNITATIBVS.

Aliisque inferioribus Beneficiariis Cathedralium, & Collegiatarum Ecclesiarum,  
eorumque Officiorum tam in Choro, quam in Capitulo.

*Hac quarta Editione ab ipso Auctore recognitus, & quamplurimorum  
Additamentorum accessione locupletatus.*

Cum SYMMARTIS, & INDICIBVS copiosis.



LVDVNI  
Sumpt. PHILIPPI BORDE, LAVRENTII ARNAVD,  
& CLAVDII RIGAVD.

M. DC. LVIII.  
CVM PRIVILEGIO REGIS.





ILLVSTR<sup>MO</sup>, ET REVER<sup>MO</sup>

DD. BERNARDO  
ATTAYDIO,  
MAGNO PRIORI INSIGNIS  
Ecclesiæ Vimaranaensis,

*AVGVSTINVS BARBOSA,*  
*eiusdem Ecclesiæ Thesaurarius, F. P.*

**S**I nihil, Illustrissime, & Reuerendissime Domine, tam naturale ex Vlpiani sententia, quàm eodem genere quidquam dissoluere, quo est colligatum, nihil contra tam naturale, sententia mea, quàm eodem & recolligere, quo est aliquando dissolutum. Cùm verò tam auctoritas in me tua, quàm obsequium in te meum æquè naturalia sint, vt putà à Maioribus vtrique hereditario tibi iure tradita, mihi nexu relicta; & ea hinc temporis cursu, inde mea potissimum absentia quasi dissoluta videri possint, religandi modus sicut mihi imprimis expetendus, ita & non alius exquirendus fuit, quàm qui ab ipsis vtriusque Parentum studiis in nobis non degeneranter, vt spero, continuatis, sponte se quadam naturali oblati sunt. Et iam à memoria tibi non excessisse puto quanta cum auctoritate Excellentissimus Pater tuus patre utebatur meo; nam neque mihi excidit quanta cum veneratione, quantòque obsequio meus tuum obseruaret, & coleret. Tanta quidem hinc inde, quanta vtriusque fortuna par esset, & quæ transcendentem tui gradum descendentem mei ita libraret, vt vterque quod erat ab altero æqua lance haberetur. Quæ memoria me ita stimulat, vt patris mei pietatem violare mihi viderer, si eius studium in Excellentissimum Patrem tuum non inceptum modò, sed longè productum in te ego continuare, totisque viribus complecti non conarer, illius quidem mensuram vt saltem non coarctasse me gaudeo, ita & Patris te tui egregiè ampliaste gratulor; qui Regis nostri apud Cæsaream Majestatem Legatum agens priùs altioris scilicet militiæ tyrocinium, post & in summo Lusitanici Regni, solique patrij prætorio Præfectus assumptus Regem non quasi ex Regis imperio, sed naturali



AUGUSTINI  
 BARBOSÆ,  
 V. I. D. LVSITANI,  
 DE CANONICIS,  
 ET DIGNITATIBVS  
 CATHEDRALIVM,  
 ET COLLEGIATARVM ECCLESIA RV M,  
 EORVMQVE OFFICIO TAM IN  
 Choro, quàm in Capitulo.

CAPVT PRIMVM.

*Canonici vnde dicantur, & in quot species diuidantur?*

SVMMARIVM.

- 1 Canonici à Canone dicuntur.
- 2 Canonici olim in cætus congregati seorsum à cæteris habitabant.
- 3 Canonici omnes antiquis temporibus cum suo Episcopo sub certa regula, mensaque communi vixerunt.
- 4 Canonicorum duo sunt genera.
- 5 Canonici Regulares sunt, qui monasticam vitam in claustris ducunt.
- 6 Canonici Regulares appellantur quasi duplici obligatione vita Canonicali adstricti.
- 7 Canonicus Regularis est propriè Canonicus.
- 8 Canonicus appellatione venit etiam Canonicatus Regularis.
- 9 Canonici Regulares subdividuntur in duas classes, una est illorum qui in Ecclesia Cathedrali Regulari, seu alia non Cathedrali Canonici Regulares sunt.
- 10 Canonici Regulares Cathedralium, seu aliarum Ecclesiarum habent bonam saltem ad usumfructum, & possunt de illis inter vivos ad opera pia disponere.
- 11 Cathedrales Regulares in Anglia plures existunt, & dua sunt in Sicilia.
- 12 Episcopus in Canonicos Regulares Cathedralium, exceptis iis, quæ concernunt Regularia instituta, habet omnimodam iurisdictionem, licet non sit Religiosus, ut num. seq.
- 13 Episcopus si fuerit simul Abbas in sua Cathedrali Regulari, habet omnimodam iurisdictionem in Canonicos Regulares sue Cathedralis, etiam in iis, quæ concernunt Regularia instituta.
- 14 Episcopus si fuerit simul Abbas in sua Cathedrali Regulari, representat duplicem personam, videlicet propriæ & veri Abbat